

Արձանագրություն թիվ 8

ԿԻՐԱՌԱԿԱՆ ԱՐՎԵՍՏԻ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ ՆԻՍՏ

28 փետրվարի 2016թ.

ք.Իջևան

Նախագահ՝ Ա.Շ.Մարգարյան

Քարտուղար՝ Ք.Հ.Մխիթարյան

Նիստին մասնակցում էին խորհրդի 15 անդամները: Հրավիրվել էին նաև ամբիոնների դասախոսներ:

ՕՐԱԿԱՐԳ

1. 2015-16 ուստարվա առաջին կիսամյակի քննաշրջանի ամփոփում:
/զեկ.Ա.Շ.Մարգարյան/
2. 2015-16 ուստարվա երկրորդ կիսամյակի առաջին ընթացիկ ստուգումների և քննությունների ժամանակացույցի հաստատում:
/զեկ.Ա.Շ.Մարգարյան/
3. Ամբիոնի վարիչների տարեկան հաշվետվության ներկայացում:
/զեկ. Ա.Հ.Միրզոյան Մ.Վ.Հարությունյան /
4. Ընթացիկ հարցեր:

ԼՄԵՑԻՆ - Ֆակուլտետի խորհրդի նիստը բացեց և օրակարգը ներկայացրեց դեկանի ժ/պ, գիտական խորհրդի նախագահ Ա.Շ.Մարգարյանը: Նա ներկաներին տեղեկացրեց, որ ըստ հաստատված աշխատանքային պլանի հերթական նիստին նախատեսված էր երեք հարց:

Օրակարգը հաստատելուց հետո նիստի մասնակիցները անցան օրակարգի հարցերի քննարկմանը:

Նիստը վարում էր Ա.Շ.Մարգարյանը:

Օրակարգի առաջին հարցի մասին հանդես եկավ խորհրդի նախագահ Ա.Շ.Մարգարյանը:Նա մանրամասն ներկայացրեց քննություններից հետո , այնուհետև առաջին լուծարքային շրջանից և վերջում՝ երկրորդ լուծարքային շրջանից հետո գնահատման արդյունքները և ցուցաբերած առաջադիմությունը՝ ըստ մասնագիտությունների, կուրսերի և ուսման կարգավիճակների: Մասնավորապես նշվեց, որ ստուգարքներից և քննություններից հետո „Դիզայն”, „Կիրառական արվեստ” մասնագիտության բոլոր կուրսերում ուսանողները ունեցել են ակադեմիական պարտքեր:Առավել մեծ թիվ է կազմում „Կիրառական արվեստ” չորրորդ կուրսի 31 ուսանողներից 12-ը ունեցել են ակադեմիական պարտքեր, իսկ երկրորդ լուծարքային շրջանի ավարտից հետո երեք ուսանող ունեցել է ակադեմիական պարտք:„Կիրառական արվեստ” մասնագիտության առաջին կուրսի ուսանող Ա.Հարությունյանը, երկրորդ կուրսի ուսանող Է.Նազինյանը և „Դիզայն” մասնագիտության առաջին կուրսի ուսանող Ս.Ալլադյանը/ հետաձգել են կրեդիտները:

Ֆակուլտետի ընդհանուր առաջադիմությունը 2015-16 ուստարվաառաջին կիսամյակի քննաշրջանից հետո կազմում է 96,59%:

ԱՐՏԱՀԱՅՏՎԵՑԻՆ - Ա.Հ.Միրզոյանը, Դ.Զիբուխյանը: Նրանք մտահոգություն հայտնեցին վերոհիշյալ ուսանողների ոչ պատշաճ վերաբերմունքի և մասնագիտական ցածր որակների դրսևորման վերաբերյալ և առաջարկեցին լրացուցիչ պարապմունքների միջոցով շտկել ստեղծված իրավիճակը՝ մինչև պարտքերի վերջնական մարումը:

ՈՐՈՇԵՑԻՆ — 1. Հանձնարարել „Գծանկարի, գունանկարի և քանդակի ”, ամբիոնի վարչ Ա. Միրզոյանին վերոնշյալ ուսանողների հետ կցել ամբիոնի փորձառու դասախոս ` նրանց մասնագիտական որակների բարձրացման և անհրաժեշտ մակարդակի ապահովման նպատակով:

2. Չորրորդ կուրսի գերազանց և բարձր առաջադիմություն ունեցող ուսանողներին հանձնարարել նշված ուսանողների հետ անցկացնել փոխօգնության դասեր:

Օրակարգի երկրորդ հարցի մասին հանդես եկավ խորհրդի նախագահ Ա.Շ.Մարգարյանը և ըստ մասնագիտությունների ներկայացրեց 2015-16թթ. ուստարվա երկրորդ կիսամյակի առաջին և երկրորդ ընթացիկ քննությունների և ստուգումների ժամանակացույցը և նշեց, որ վերջինս քննարկվել է նաև ուսանողների շրջանում: Անցկացվեց ընդհանուր քննարկում:

ԱՐՏԱՀԱՅՏՎԵՑԻՆ - Ա.Միրզոյանը, Մ.Հարությունյանը, Ք.Մխիթարյանը, Դ.Չիբուխյանը: Նրանք ի գիտություն ընդունեցին ներկայացված ժամանակացույցը և առաջարկեցին հաստատել:

ՈՐՈՇԵՑԻՆ - Ներկայացնել տնօրենություն հաստատելու 2015-16թթ. ուստարվա երկրորդ կիսամյակի առաջին և երկրորդ ընթացիկ քննությունների և ստուգումների ժամանակացույցը :

Օրակարգի երրորդ հարցի մասին հանդես եկան „Գծանկարի, գունանկարի և քանդակի „ ամբիոնի վարիչ Ա.Միրզոյանը և „Դեկորատիվ- կիրառական արվեստի և դիզայնի” ամբիոնի ժ/պ Մ.Հարությունյանը:

Ա.Միրզոյանը և Մ. Հարությունյանը մասնավորապես նշեցին, որ ԵՊՀ Իջևանի մասնաճյուղի „Գծանկարի, գունանկարի և քանդակի „ և „Դեկորատիվ- կիրառական արվեստի և դիզայնի” ամբիոնները ուղղորդվել են ԵՊՀ Իջևանի մասնաճյուղի 2011-2015թթ. զարգացման ռազմավարական ծրագրի իրականացման պլան-ժամանակացույցով 2015-2016թթ. ուստարում իրականացվել է հետևյալ միջոցառումները`

1. Քննարկվել և հաստատվել են „Գծանկարի, գունանկարի և քանդակի „ և „Դեկորատիվ- կիրառական արվեստի և դիզայնի” ամբիոնների 2015-2016թթ. ուստարվա աշխատանքային պլանները և դասավանդվող առարկայական ծրագրերը, ինչպես նաև գծանկարչություն, գունանկարչություն և քանդակագործություն առարկայական բոլոր մոդուլների

ընթացիկ, եզրափակիչ և հանրագումարային քննությունների գնահատման կարգերը:

2. Ամբիոնների բոլոր դասախոսները կազմել և ներկայացրել հաստատման իրենց կողմից դասավանդվող առարկայական փաթեթները / պորտֆոլիո/:
3. Քննարկվել են 2015-2016թթ. ուստարվա դասախոսների անհատական զարգացման աշխատանքային պլանները:
4. Հաստատվել են դասախոսների և ուսումնական խորհրդատուների ուսանողների հետ հանդիպման ժամանակացույցերը:
5. Քննարկվել և հաստատվել են 2015-16 ուստարվա ավարտական աշխատանքների / թվով 31/ թեմաները:
6. Քննարկվել և հաստատվել են 2015-16 ուստարվա կուրսային աշխատանքների թեմաները:
7. Կազմվել և հաստատվել են IV կուրսի ուսանողների և ղեկավարների հանդիպման գրաֆիկները:
8. Քննարկվել և հաստատվել են 2015-16 ուստարվա երկրորդ կիսամյակի դասալսումների ժամանակացույցը:
9. Ամբիոնները ապահովել է ամբիոնների առաջատար մասնագետների մասնակցությունը մարզի դպրոցներում կազմակերպվող մասնագիտական կողմնորոշմանն ուղղված գործընթացին:
10. Կազմակերպվել են 2015-16թթ. ուստարվա առաջին կիսամյակի ընթացիկ ստուգումների և քննությունների արդյունքների քննարկում և քննաշրջանի ամփոփումը:
11. Ամբիոնները հանրությանը անհրաժեշտ լրատվություն են տրամադրել մասնաճյուղի ինտերնետային կայքին, կատարել են բուկլետների ձևավորում՝ ֆակուլտետի վերաբերյալ համապատասխան տեղեկատվությամբ:
12. Ամբիոնները ապահովել է ուսումնական և լաբորատոր տարածքների առավել արդյունավետ օգտագործումը՝ ուսումնական գործընթացի կազմակերպման և կատարելագործման միջոցով:
13. Ամբիոնները պարբերաբար նախաձեռնել և իրականացրել են միջոցառումներ՝ ցուցահանդեսներ, ուսանողների, շրջանավարտների և այլ աջակցողների

շնորհները և ներդրումային աշխատանքները լուսաբանելու և հանրությանը ներկայացնելու համար:

14. Ամբիոնների դասախոսները իրենց մասնակցությունն են ունեցել ՀՀ ՆՍ-ի կողմից կազմակերպված ցուցահանդեսներին:

15. Ուսումնասիրվել, քննարկվել և համապատասխան արձագանքի են արժանացրել ուսանողների առաջարկությունները:

ԱՐՏԱՀԱՅՏՎԵՑԻՆ – Ա.Մարգարյանը, Մ.Ստեփանյանը, Ա.Չիբուխյանը:Նրանք համակարծիք էին զեկուցողների հետ և առաջարկեցին վերջիններիս կատարած աշխատանքները գնահատել բավարար:

ՈՐՈՇԵՑԻՆ – „Գծանկարի, գունանկարի և քանդակի „ և „Դեկորատիվ- կիրառական արվեստի և դիզայնի” ամբիոնների կատարած աշխատանքները գնահատել բավարար:

Օրակարգի չորրորդ հարցի վերաբերյալ Ա.Մարգարյանը ներկայացրեց ավարտական աշխատանքների վիճակը և նշեց, որ գրեթե բոլոր / բացի երեքից/ ուսանողները ավարտել են առաջին փուլը ` էսքիզների վերջնական տարբերակները , որոնք հավանության են արժանացել Գեղխորհրդի անդամների կողմից և անցել հաջորդ ` նյութերի հայթայթման և կատարման տեխնիկական փուլին:

ԱՐՏԱՀԱՅՏՎԵՑԻՆ--Ա.Հ.Միրզոյանը,Ս.Հովհաննիսյանը,Մ.Մելքունյանը, Մ.Ստեփանյանը,Ա.Չիբուխյանը և կարևորեցին ղեկավարներ աշխատանքների որակական կողմը:

ՈՐՈՇԵՑԻՆ- Երկշաբաթյա ժամանակամիջոցում վերջնական ավարտել առաջին փուլը:

ՆԱԽԱԳԱՀ

Ա. Շ.Մարգարյան

ՔԱՐՏՈՒՂԱՐ

Ք.Հ.Մխիթարյան